

職原抄大全
六

藏人
諸國

ワ 3
6595
7



3
6595
7

職原抄引事大全卷之六



後學植木悅

集註

吉田氏所撰



蔵人所

○所六部曰蔵人所
在按書殿有別當左大臣一人
頭二人預人八人出納三人小舍人六人
有熟食年官進月奏或云衆十二人有内官或
所衆北二人瀧口北二人或蔵人八人五位二
人或三人六位六人或五人是皆職事也○蔵
人者近習職也武家如小姓者頭則如小姓
頭職也所官舎也
蔵人等所會也

嵯峨天皇御宇弘仁年中初置之摸異朝侍中内

職原抄

昭和七年
三月十一日
吉田野吉氏
長男友不
子友守
印

侍等職歟彼侍中尤為重任內侍者宦者之任也
或有卑之代或有貴之時古來宦者知事先賢之
所謗也

○侍中內侍環濟要略曰侍中古官也風后為
黃帝侍中初學記曰秦取古官制本丞相史也
丞相使史五人來往殿中奏事故謂之侍中後
魏初為樞密之任梁亦以為宰相職事唐侍中
與中書尚書二令並為真宰相矣異朝代人
侍中為重任也後漢書曰侍中比二千石本注
曰無負掌侍左右贊導眾事顧問應對法駕出
則多識者一人參乘餘皆騎在乘輿車後本有
僕射一人○內侍事物紀原曰周官有巷伯寺
人及內小臣之職也戰國時趙有宦者令秦置
中常侍漢有謁者內侍之官而不言其府北齊
始置中侍中省隋改曰內侍唐因之愚曰內侍

宦者任是謂唐高力士也高力士將軍知內侍
省事則宦者也下詳亦前漢宦者少府屬官也
後漢宦者黃門屬官也至唐高力士宦者任至
貴也說文宦仕也宦者亦近習名也俗作宦非
也高力士宦者而專執政事如天子李輔國終
誣之力士長流巫州故謂先賢之所謗也言異
朝侍中內侍職同日本藏人所職也

唐玄宗以內侍高力士為一品將軍介降內侍執
文武之柄遂亡唐祚依之執政之官太惡宦者

○唐書宦者列傳上第一百三十二曰高力士
浦益曾孫也聖曆初嶺南討擊使李子里上二
關兒曰金剛曰力士武后以其疆悟敕給事左
右坐累遂出之中人高延福養為子故冒其姓
善武三思歲餘復得入禁中稟食司官臺既壯
長六尺五寸謹密善傳詔令為宮圍丞玄宗在
藩力士傾心附結已平韋氏乃啓屬內坊擢內

唐書宦者列傳上第一百三十二

給事先夫中以誅蕭岑等功為右監門衛將軍
 知內侍省事於是四方奏請皆先省後進小事
 即專決雖洗沐未嘗出眠息殿惟中微侍者願
 一見如天人然帝曰力士當上我寢乃安當是
 時宇文融李林甫蓋嘉運韋堅揚慎矜王鉷楊
 國忠安祿山安思順高仙芝等雖以才竊進然
 皆厚結力士故能踵至將相自餘承風附會不
 可計皆得所欲中人若黎敬仁林昭隱尹鳳翔
 韓莊牛童劉奉廷王承恩張道斌李大冝朱光
 輝郭全邊令誠等並內供奉或外監節度軍備
 功德市鳥獸皆為之使使還所哀利動巨万計
 京師甲第池園良田美產占者什六寵與力士
 略等然悉藉力士左右輕重乃能然肅宗在東
 宮兄事力士宅王公主呼為翁戚里諸家尊曰
 著帝或不名而將軍力士勿與母麥相失後嶺
 南節度使得之罷州迎還不復記識母曰曾有一
 七黑子在否力士祖示之知言毋出金環曰兒
 所服者乃相持號慟帝為封越國夫人而追贈

其父廣州大都督延福與妻及力士貴時故在
 侍養與麥均金吾大將軍程伯獻約力士為兄
 弟後麥亡伯獻縶經受弔河間男子呂玄晤吏
 京師女國姝力士娶之玄晤權刀筆史至少卿
 子弟仕皆王傳玄晤妻死中外贈賻送葬自第
 至墓車徒皆相望不絕始李林甫牛仙客知帝
 憚幸東都而京師漕不給乃以賦粟助漕及用
 和糴法數年國用稍充帝齊大同殿力士侍帝
 曰我不出長安且十年海內無事朕將吐納導
 引以天下事付林甫若何力士對曰天子順動
 古制也稅入有常則亦不吉勞今賦粟充漕臣
 恐國無旬月蓄和糴不止則和藏竭逐末者衆
 又入下柄不可假人威權既振孰敢議者帝不
 悅力士頓首曰陳心狂易語謬當死帝為置酒
 左右呼萬歲由是還內宅不復事加驃騎大
 將軍封渤海郡公於來廷坊建佛祠興寧坊立
 道士祠珍樓寶屋國貲所不逮鐘成力士宴公
 卿一扣鐘納禮錢十萬有佞悅者至二十扣其

職原錄 卷之六

少亦不減十都北堰澧州五磴日儼三百解直
 有表思藝者帝亦愛幸然驕倨甚士大夫疏畏
 之而力士陰巧得入與帝初置內侍省監二員
 秩三品以力士思藝為之帝幸蜀思藝遂臣賊
 而力士從帝進齊國公帝聞肅宗即位喜曰吾
 兒應天順人改元至德不孝乎尚何憂力士曰
 兩京失守生人流亡河南漢北為戰區天下痛
 心而陛下以為何憂臣不敢聞從上皇還進開
 府儀同三司實封戶五百上皇徙西內居十日
 為李輔國所誣除籍長流巫州力士方繼瘡功
 臣閣下輔國以詔召力士趨至閣外遣內養授
 謫制因曰臣當死已久天子哀憐至今曰願一
 見陛下顏色死不恨輔國不許寶應元年赦還
 見二帝遺詔北向哭歐血曰大行升遐不得攀
 梓宮死有餘恨而卒年七十九代宗以護衛
 先帝勞還其官贈揚州大都督陪葬泰陵初太
 子瑛廢武惠妃方嬖李林甫等皆屬壽王帝以
 肅宗長意未決居忽忽不食力士曰大家不食

亦膳羞不具耶帝曰爾我家老拙我何為而狀
 力士曰嗣君未定耶推長而立孰敢爭帝曰爾
 言是也儲位遂定天寶中邊將爭立切帝嘗曰
 朕春秋高朝廷細務付宰相蕃夷不襲付諸將
 寧不暇耶對曰臣聞至閭門見奏事者言雲南
 數喪師亦北兵悍且疆陛下何以制之臣恐禍
 成不可禁其指蓋謂祿山帝曰卿勿言朕將圖
 之十三年秋大雨帝顧左右無人即曰天方災
 卿宜言之力士曰自陛下以權假宰相法令不
 行陰陽失度天下事庸可復安臣之銜口其時
 也帝不答明年祿山反力士善揣時事勢候相
 上下雖親昵至當覆敗不肯為救力故生平無
 顯人大過議者頗恨宇文融以來權利相賊階
 天下之禍雖有補益弗相除云○玄宗名隆基
 睿宗第三子自唐元祖高祖淵六代帝也此時
 高力士任驃騎將軍為儀同三司故曰一品將
 軍也亡唐祚者謂力士任將軍執武權也知內
 侍省事專掌奏請執文權也故曰執文武權亦

初力士得楊玄琰之女楊貴妃壽邸貴妃壽王之妻也玄宗聞其艷美命高力士得之是以亡唐祚之本也後祿山起亂玄宗徙蜀也

本朝不必然弘仁以往少納言及侍從為近習宣

傳之職而此御宇初置當所以公卿第一人為別

當左大臣為別四位侍臣中殊撰其人為頭但上

五位頭近五位中又撰補三人六位中又撰補四

人謂之職事又為要籍駙使六位中撰良家子令

候殿上謂之非藏人

○此御宇者嵯峨御宇也昔者少納言侍從為近習官無藏人自嵯峨以後置藏人掌近習宜傳雖有少納言侍從不掌宜傳也○要籍駙使

旧本猶作独
非三義大弁ト云云
四位大弁上臈ト云
及三補也直三三
二任又八仁也三三
任又八寸大弁元ノ如
又其職ヲ重シト云
陣ノ坐ノ枕筆ノ若
三義ノ大弁不系ノ
寸八非三義ノ大弁勤
仕セラル又任大臣ノ大
次食ノ祿物四位ノ三
義三同ニ故ニ職ヲ
重シト云云三補ス
八仁位階ノ高下
ヲ論セ又八下ニ付
是又ヲ枕スル友ナリ

凡殿上事頭以下職事所奉行也依之聽昇殿輩併以頭為貫首雖位階上臈必著其座下是流例也但非參議大辨猶不著其下云云重其職故乎執頭之輩雖大辨猶著其下也

韻會要略勤也藉郭解傳以軀藉友執仇藉古藉字謂借助也言勤助駙使也或言以要書籍駙殿上院代及七八十人此內勤仕近代六番勤之但依其人卅日皆勤之事也此外非藏人小舍人令殿上也幼少人或大臣子免番也但可依時也貫首殿上人為上座之任也位階自貫首雖高位必於殿上著貫首之下也殿上人結番記其姓名於板目之殿上簡也貫首掌之也非參議大辨者前官宰相大辨也或曰非在參議只

職

大辨事也大辨大略兼任參議也去參議職大辨曰非參議大辨但此章可只大弁也○萃菴曰凡官位座配者官高則不論位階可著上也官位相當則古參之人著上此藏人頭於殿上為規摸官故雖高位人著藏人下但可依人也

別當

為公卿第一人補之世俗稱一人者執柄也一人一所稱之於禁中者殿稱之衆人殿下稱之自往昔無異儀稱一上者執柄之外第一大臣也當所別當一上所補也是執柄依執天下之政無其暇仍官中諸公事併與奪次大臣之故以次人為一

上也殿上事准之可知之

○一人一所殿殿下共關白稱也第一人一上共次大臣也凡太政大臣為關白則以左大臣曰第一一人亦左大臣為關白則以右大臣曰第一一人或曰一上也詳于太政官下亦曰大政大臣必無職掌之官也故不行一上事也○異朝殿下例事物紀原曰漢皇太子諸王稱殿下唐於皇太后亦稱之魏志太祖定漢中杜襲始呼之時操封魏王故襲呼殿下按此自杜襲始也晉陽雜俎曰秦漢以來於天子言陛下皇太子言殿下將言麾下亦曰今呼三公曰閣下云與日本少違也

頭二人

仙籍 貫首

○五位補頭例寬平三年三月二十九日管家補藏人頭于時正五位下式部少輔云○嗟峨御宇弘仁元年三月始以從四位上左衛門巨

勢野足從四位下中務藤冬嗣為藏人頭凡藏人近代名家經藏人攝家清華任中將不補藏人也上古無其差別也○仙籍宗尤曰仙殿上意也籍簡也記殿上人名板簡曰之殿上簡或曰殿上日給也藏人頭掌之故稱仙籍亦聽昇殿人号仙籍此心也○貫首百云頭殿上管領也惣而殿上人貫首也重代人々公達名家殊撰器量補之凡山門三千僧統領日貫首則此也愚按孔安國孝經序日顏回閔子者孔門三千人弟子貫首也仙籍見事文類聚秘書監篇

四位殿上人中清撰之職也辨方一人近衛司方一人補之常例也凡頭者當職之時不依位次著諸侍臣之上有參議闕者必任之仍古來為重職又奉行大小公事之間非器無才之輩不能競望

者也以乏思之雖末代可謂清撰歟昔東三條攝政兼家公為藏人頭叙三位帶中將後任中納言猶為藏人頭希代之例

○辨方大辨也近衛司中將也藏人頭二人中一人大辨補之一人中將補之侍臣四位殿上人也○兼家公者右大臣師輔第四子号東三條正曆元年五月出家法名如實同年七月二日薨六十二歲○不依位次雖位高人著頭之下是侍臣之事非公卿著頭之下也

五位藏人三人唐名仙郎 夕拜或夕拜郎

○宗尤曰仁和四年十一月始以正五位下左少將源湛正五位下左少將藤敏行為五位藏人東山府首云弘仁元年三月始置殿上并藏人所頭二人藏人八人補之仁和四年補五位

藏人二人正五下源湛左少將正五下左少將
藤敏行藏人八人之內也永治以來近衛院代
始五位三人六位五人大畧為定式○夕拜後
漢書曰漢舊儀曰黃門即屬黃門令日暮入對
青瑣門拜名曰夕郎獻帝起居注曰帝初即位
初置侍中給事黃門侍即負各六人出入禁中
近侍帷幄省尚書事云前漢侍中黃門即者則
藏人職也○仙郎仙殿上之心凡殿上事掌次
頭故曰仙郎愚按白居易詩
仙郎靜詵禁園間文集十四

五位殿上人中名家譜第殊撰其器用所補也補
當職者次第昇進已為恒規是故以補當職已為
出身之初云云常例先任八省輔治民兵等次任勘解由
次官次任廷尉佐次補五位藏人次任辨官是順

八省補勘由次
官廷尉佐此三
可為五位藏人
三徑也

路也補藏人之日帶廷尉佐是第一勘解由次官

是第二少輔等是第三以之知朝獎之淺深也自

廷尉佐補藏人兼辨官此為至極之朝獎所謂三

事兼帶頗選中之選也次補藏人頭猶帶辨是亦

稟其家非其器者去辨任清撰也若雖次任參議有其闕者藏

他官也是故頭辨為規模人頭任之是常例故也又公達為中少將侍從之輩有替古之

人望補此職是為表其才也不練習舊章不稟受

口傳者尤可有斟酌也至于今非其才補其職者

忽招耻辱殆失於身者也

旧於身作出身
是對前文出身之
初

旧於帶下有是
也二字又注文
帶安云三十字
大書

○出身自下官昇高官者也此章謂藏人昇進次第也藏人依其人任參議也自藏人至參議其次第必有其道詳于本書也獎勸也○舊古者能知故實人也文選東都賦憲章統晉古注向日憲法也言法其舊章考其古事云言公達中少將侍從請以補五位藏人也為顯其自文才也○三事兼帶萃菴曰廷尉佐五位藏人辨官此三官兼帶也此人補頭則必去三事兼帶也若頭兼辨官則清撰至也○斟酌遺達云斟猶取酌行也量已之心也

頭及五位藏人必聽著禁色拜賀以前被下宣

旨例也但自本聽禁色之人更不及宣下

○禁色萃菴曰表袴又裾等用織物付絞者自公卿以下人不著四五位人著無絞也又綾小袖著物也三位以上服也四位以下不著綾但藏人近習官也故雖五位著禁色地青織付白

藤九指貫公卿著也織駁曰八絡藤又鳥袴大臣子清華子著之束帶時白袴有石疊紋雖職事著之但藏人常束帶也不著指貫但可依時用之乎地藤色白藤九指貫攝家清華公卿著之宗尤曰禁色謂綾織物織物裾下襲表袴指貫等也不聽禁色人用平絹但夏下襲用無文毅也○拜賀補藏人時拜天子故曰拜賀萃菴曰拜賀不限藏人任官時皆拜天子也立左右左居左右左地拜二返禮拜如此是曰之拜賀又曰奏慶但辨官拜賀與藏人拜賀有少違辨官於陳座官務行之藏人於殿上給臺盤湯漬外記行也○但自本者自始也自不補藏人前聽禁色人改不及宣下也宣旨宣下同聽禁色之宣下也

六位藏人四人

重代諸大夫中不放埒有器量之輩補之地下

諸大夫多以是為先途雖五位以後以藏人五位為規模之故也藏人者不依年齒老少以當參次第定上下至于極薦者必預巡爵若有奉公之志者除其籍更加末座也六位藏人奉行禁中細々公事朝夕御膳等事稱之日下薦也四人分日令奉行故也六位職事又聽禁色至極薦者著翅塵袍是申下御服之儀也晴時雖下薦著之第二薦稱之差次第第四稱之新藏人也

○按弘仁年始置藏人此時未置五位只六位八人在之其後仁和四年十一月始置五位藏人也○禁秘抄曰六位藏人負數五人中古六人常事也七人有例此職給御衣只時被捨等給之不及子細初參之時可然人子外不給也又初參之時御前召之非藏人轉職事時不召可然人子又幼少等夜參又一日三日召
中也尋常事也成長凡卑者七日也暑氣寒天五六日召故實也召朝餉古藏人一人具參之次內侍問年是流例也又非朝餉隨時召使宜之所例也公卿侍臣子直補之其外以次第補之第一公卿侍臣子第二非藏人三執柄勾當四院藏人并母儀藏人
私曰女院家六位藏人事也第五所雜色六成業儒七所々藏人判官代○諸大夫補六位藏人則殿上也後叙五位則飯地下不殿上是例也但經殿上六位一人一段規模也稱之藏人五位也○放埒下學集曰人不順法度如生馬放埒也先途極官之心當

參奉公年數年久奉公人雖年幼必令上座也
極薦四人中第一藏人也巡爵同也爵謂從五
位下也言極薦必巡回來可叙五位也但此人
叙五位則去藏人職任他官降地下不能殿上
故有奉公之志人者不任他官去極薦為新藏
人列四人未座此曰還昇殿上人也四人別
日者一日一人四日四人勤奉公也○麴塵袍
示尤曰天子御服也世曰之山鳩色又曰黃檀
深也紋桐竹鳳凰也愚曰下黃而上青也似柳
色故麴塵文選十三曰峯攢石碌点柳綻麴塵
之絲白居易詩林鶯何處吟筆柱墻柳誰家
曝麴塵云亦此章第二薦四薦有之三薦無之
三薦呼姓也藤原曰藤藏人源曰源藏人也○
御記曰凡補藏人延喜天曆御記頭奉勅向大
臣亭仰之又召御前仰之或又彼御時內侍宣
也頭以下五位藏人下知之小舍人向彼家也

非藏人 無負數

○禁秘抄云非藏人四人也間々五人也六人
有例不可然事也

重代諸大夫中未補藏人之間先遂昇殿此曰

非藏人又云非職之者不奉行公事不著禁色

已上 宣下之職也但藏人者頭以下非上卿

奉 勅之宣所謂內侍宣也管領職事兼御召

仰出納令告知其人也藏人頭以下六位藏人

已上書位署之時書加其名是古來例也

○未補藏人者言諸大夫未補六位藏人人先
補非藏人令昇殿有六位闕後必補六位也○
上卿奉勅草曰藏人任官者太政官不奉行也
內侍奉勅補之也管領職者謂頭也補藏人頭

禁秘抄曰凡補藏人
正亮天曆御記
頭奉勅向大臣亭
仰之又召御前仰之
或又彼御時內侍
宣也頭以下六位藏
人下知之小舍人向
彼家告知之也

內侍奉勅召出納仰之出納又召小舍人告內侍宣小舍人自行任人家告知之也○書位署法見于追加篇又書加其名書以藏人諸官之上也內侍則女房也掌侍事也今世勾當內侍曰長橋房是也位署藏人頭權中將藤原基音藏人左少辨藤原之類也皆可用諸官上也

出納

○江匡房曰元日宴會之時藏人所出納渡殿上見參於外記七日節會又同又曰出納兼國自御所以申文被下多任近江掾也○清原宗尤曰出納非官於殿上諸事奉仕者也有四人曰一薦二薦三薦四薦四薦曰新出納出納二字出于書經出納朕命惟允聽下言納於上受上言宣於下必以信○禁秘抄云出納三人是藏人方一切奉行者也夜陰外不衣冠又候御盡駉事無先例堀河院御時如鳥闕被召連

小舍人

不耳事也出納上古內親王大臣等與申藏人下如下名付學生明法等諸國目補之愚曰出納一切政務之時雜多致取次職也故曰出納此書次第相違也禁秘抄次第者非藏人次雜色次所衆次瀧口次出納次小舍人也

以上皆有重代經歷之輩

○宗尤曰小舍人六人近代十二人漿衣白張狩衣立烏帽子乎殿上人之出納御倉等下雜事召使也○禁秘抄云小舍人一向頭藏人訖也如出納如鷄鬪合事彼御時例也不其心
 川院例也近年万事雖廢彼等不見目近代好華族動存無禮尤不可然清涼殿御漿束立屏風設鋪類也時頻好昇殿予度々以藏人追下畢近代公事六位無沙汰偏只出納小舍人沙汰也誠雖為奉公者送日潤屋駉也著美服又

望衛府志判官尤不似先例昔多白張裝束也
普通衣冠猶希也犯著衛府裝束近日事也可
正小舍人召加藏人下知有各符乎小舍人多
補史生○愚曰小舍人常居校書殿也有御用
召昇殿上校書殿在殿上南也殿上橫敷坤角
柱付蘇芳細付鈴召小舍人之時藏人引之是
自二條院御時始也始用馬寮指繩也此曰鈴
繩也○重代經歷者親王大臣家重代之家司
諸大夫或侍等也

雜色

良家子補之

○禁秘抄本貞數八人代々皆轉藏人仍公卿
子孫又可然諸大夫多補之雖為諸院官判官
代藏人不可著指貫只待袴躰也上古上卿仰
乏近代頭下知藏人藏人仰出納下名簿○東
鑑治業北出雲時澤為雜色長也此時時澤度

度自京都為御使下鎌倉也○良家子可然諸
大夫子也

所衆

六位侍可然之輩補之

○禁秘抄云藏人所衆貞廿人也又有官不可
過一人所衆在官也舉拂日月缺席引役
以席藏御殿也又諸御裝束奉仕之時昇殿佛
名各謁猶上簀子凡八人內少々召仕近候壺流
例也或給所々公役又上日給也藏人仰出納
下名簿任所衆在法也六位著藏人所々衆束
帶付簡藏人令付之居湯漬之時藏人退故實

瀧口

同上堪武勇之輩可補之

○異本曰瀧口北人此內一薦二薦三薦已上
謂之上薦三人座敷以初參定上下但堪上日
上薦三人者問籍下仕十日四薦以下五箇日
云四薦弓事行有官瀧口永仁被置之以任日

定座歟○愚曰異本注今本無之瀧口禁中侍
之官也以源平重代侍奉之其番所在清涼殿
後良邊也寬平御宇被置之其後連綿置之貞
光人內上薦三人一箇月十日勤番堪上日者
給春夏祿事也問籍者記瀧口戶通人姓名奉
藏人以奏聞曰之問籍有官瀧口者瀧口任官
任右馬允也○東鑑曰美元四年五月十一日
御家人中可參候本所瀧口之由被仰下之間
早任勅宣可撰參之由今日被下御書小山
千葉三浦秩父伊東宇佐美後藤葛西以下家
家十三流奉之云皆是有譜第之寄云禁秘抄
曰瀧口大畧同所衆但白地不昇殿著布衣且
暮候砌無官或內舍
人將曹志等補之

諸國

神武天皇即位之初繼神代之蹤都日向國宮

崎宮此時天下草昧封域未定東征之後初平
中州定都於大倭國橿原宮亦來關四門朝八
方歷代因准漸開諸道十代崇神天皇十年遣
使於四方所向皆以臣伏同年十月更命四道
將軍進發云

○此段謂日本國開闢之次第也繼神代蹤者
自天孫瓊杵尊以來代々地神皆住日向國
神武者葺不合尊子也同住日向國後東征而
入倭國也上詳○草昧韻府曰天造草昧易屯
卦天造謂時運草謂草亂無倫序昧謂冥昧不
明封聚土為封諸侯守土取其增高之義域字
彙界房也言神武始入大和時天下無封境之
差別如草亂也○四道將軍事詳于外武官下

日本紀推古天皇
十二年皇太子親
筆作憲法十七條
其第十二條曰因司
國造勿飲百姓國罪
二君民元西主率土
兆民以王為主所任
官司皆是王臣何
敢與公賦歛百姓
又孝位天皇大化元
年因司等五國不
得判罪不得取他
貨賂令致民於貧

○日向國，上古無日向，各景行天皇十七年幸
筑紫，子湯，縣遊于舟裳，小野時東望之，謂左右
曰：是國也，直向於日，出方，故号其國曰日向也。
日向，名始于此。

第十三代成務天皇四年始定國造同六年始

分國境國造乃國司名也後改云守也

○日本書紀成務天皇四年春二月丙寅朔詔
之曰：我先皇大足彥天皇^{皇行也}聰明神武膺
錄受圖治天順人撥賊反正德伴覆燾道協造
化是以普天率土莫不王臣稟氣懷靈何非得
處今朕嗣踐寶祚夙夜兢惕然黎元蠢爾不悛
野心是國郡無君長縣邑無首渠者焉自今以
後國郡立長縣邑置首即取當國之幹了者任
其國郡之省長是為中區之番屏也五年秋九
月令諸國郡立造長縣邑置首並賜楯示
以為表則隔山川而分國縣隨阡陌以定邑里

因以東西為日，縱南北為日，橫山陽曰影面，山
陰曰背面，是以百姓安居天下無事云云。○愚曰
至成務始開國郡別封境始置國造，但上古以
國守皆云國造，至皇極天皇時始改國司，歷代
皆云國司，至文武天皇改國司曰國守，但國造
名自神武時有之，諸國立國造，成務始也。

凡國司之撰和漢重之，此云亨鮮之職，又云分

憂之官。

○老子經治大國章曰：治大國若烹小鮮。注：烹
小鮮者，攬之則碎，治國者攬之則亂。清淨無為
安靜不擾，此治國之道也。○分憂，杜子美曰：天
子當分憂之地。云抄云：孟子曰：憂民之憂，民亦
憂其憂。云言國守與
民同憂也。故曰分憂。

漢宣帝稱曰：與我共治者唯良二千石乎。云誠

是當一方之重寄察百姓之寒苦非庸才之所
可企望故昔時固設格制以勤治否合格者蒙
賞違格者被黜是所以擇良吏也

○書言古事曰二千石太守祿秩二千石漢宣
帝曰庶民所以安其田里而亡勤息愁恨之聲
者政平訟理也與我共此者惟良二千石乎良
賢也治唯二字本傳作此惟也今以守稱二千
石按漢制秩二千石者尤重祿諸卿皆得二千
石今國守位卑而秩重則得二千石故稱二千
石乎○庸才無才智人也無才人不可望國守
也格制弘仁格也凡國守養民之本也故昔大
撰國守賢不肖每年除自勘解由主計主稅勘
其國正稅公廨雜稍勘定并其民安否若共合
格式則必蒙其賞違格式則用黜陟之法黜陟
式大國吏遺退下國近國吏遺遠國或貶謫或

大國

刑罰等也良吏新樂府曰古之良吏有善政

守 有權守相當從五位上

介 有權介 相當正六位下

椽 大正七位下 有權大椽
少從七位上 有權少椽

目 大從八位上
少從八位下

○職貢令曰大國守一人掌祠社祠祭也社檢

按諸社戶口簿帳

勸課農桑糾察所部貢舉孝義百有孝義者

養之京都田宅良賤詐訟租調倉廩徭役兵士

器仗鼓吹郵驛傳馬烽候城牧過所公私馬牛

闡遺失亡無玉物曰闡遺雜物及寺僧尼名籍

事餘守准此其陸奧出羽越後等國兼知饗給

饗食給祿也征討斤候

對馬日向薩摩大隅等國惣知鎮捍捍衛也鎮

衛寇賊也防守及蕃客販化三關國又掌關刻
關換過太所刻塹柵所及關契事介一人掌

同守餘介准此大椽一人掌糾判國內審署

文案勿替失察非違餘椽准此少椽一人掌

同大椽大目一人掌受事上抄勘署文案檢

出替失讀申公文餘日准此少目一人掌同

大目史生三人○愚曰上古无守介椽目之官

文武天皇時始置之但此時無權官後代置權

權大畧遙授也正者居其國執政務權者其身

居京都以為兼官日之遙授也椽玉篇與緇切

也日本訓勢守也凡守掌其國政一切事也介

次守椽取書其公文作帳其外細事皆椽職也

目一向執筆役也史生又書紀雜事或勒守之

使公用令駟仕也此外每國有郡司博士醫師

音諸國建學校博士一人讀經籍守以下子若

孫親屬或凡民俊秀者入學校而習之其傍建

孔子廟春秋二仲釋奠見于首卷又醫師一人

讀醫書凡其學生大國五十人上國四十人中

上國

國三十人下國二十人醫生各減五分之四或
曰學校之法誠善政也今不載職原抄何哉答
曰上古皆有此政則令及延喜式所載也自保
元年以後天下移平家上古法悉廢又後醍醐
之時無此法故不載職原抄也○官位令曰大
國守從五位上同介正六位下大椽正七位下
少椽從七位上大目從八位上少目從八位下
令各無權宜

守 從五位下
有權守

介 從六位上
有權介

椽 從七位上
有權椽

目 從八位下

大上國守相當五位也依之其身雖六位除目
之時執筆之人押以書從五位下不待勅處分

者也

○職貢令上國守一人介一人掾一人目一人史生三人其職掌皆同大國官位令上國守從五位下介從六位上掾從七位上目從八位下各無權官○勅處分者言任大上國必五位也六位人任之則執筆書從五下是作法也雖不聞勅旨押書之故實也○凡國守以下掾田者給其國公廩也獻天子田曰正稅給國守以下田曰公廩也續日本紀曰孝謙天皇天平寶字元年十月大政官所分比年諸國司等交替之日各負公廩競起爭論自失上下之序既虧清廉之風於商量不合如此今故立式凡國司處分公廩式者惣計當年所出公廩先填官物之欠負未納次割國內之儲物後以見殘作差處分其法者長官六分次官四分判官三分主典二分史生一分其博士醫師准史生例負外官者各當色私曰負外者權也○延喜式

曰凡諸國史生者大國五人上國四人中國三人下國二人並不得在當國人凡郡司者一郡不得併用同姓

中國

守 正六位下

介 官位令中國無介

掾 正八位下

目 大初位下

○職貢令曰中國守一人掾一人目一人史生三人官位令曰中國守正六位下掾正八位上目大初位下○中國守以下職掌同大國又弘仁格中國有介官位令無介後代皆置介又曰掾正八上也本書作正八下非也貞觀七年格能登丹波石見長門土佐日向等置介

下國

職貢令

卷六

六

守

從六位下

掾

從八位下

目

少初位下

○職負令下國守一人目一人史生三人職掌皆同大國官位令下國守從六下目少初位上云此書作自少初位下非也令無掾後代置掾○延喜式曰凡國司處分公廨差法者大上國長官六分次官四分判官三分主典二分史生一分中國無介則長官五分下國無掾則長官四分負外司准當負但陸與國博士醫師陰陽師並准自鎮守府將軍准守軍監准掾軍曹准目醫師弩師准史生若帶國者不須兩給其按察使准當國守記事准掾○田令曰凡在外諸司職分田大國守二町六段上國守大國介二町二段中國司上國介二町下國守大上國掾一町六段中國掾大上國目一町二段中下國目一町史生如前○戶令曰凡郡以廿里以

下十六里以上為大郡十二里以上為上郡八里以上為中郡四里以上為下郡二里以上為小郡又五十戶為里六町為一里愚曰一國政守以下掌之一郡政郡司知之每一郡有大領少領主政主帳都曰之郡司也大領長官也少領次官也主政判官也主帳主典也凡古年貢法者田長三十步廣十二步為一段十段為町一町公田上田五百束中田四百束下田三百束下下田百五十束令收納又百姓男二段女減三分一給之充百姓糧曰之口從田又有租稻就一町取二束二把也但一束奮米五升也是古法賦民者薄故民安國富詳于首卷○延喜式凡太政官并左右辨官史生召使等每年一人除諸國主典主典目也式民兵部史生每年一人任諸國目內記史生勞滿十年者准太政大臣史生任諸國目

唐名

守

刺史

使君

宰吏

介

別駕

掾

司馬

目主簿

郡司

縣令

○刺史後漢書曰外十二州每州刺史一人六百石本注曰孝武帝初置刺史十三人秩六百石成帝更為牧秩二千石建武十八年復為刺史十二人各主一州○使君秘笈新書曰裴俠守河北入周太祖命獨立曰裴俠清慎奉公為天下最有如俠者與之俱立眾默然朝野嘆服號獨立使君書言故事曰羅敷陌上桑行使君從南來五馬立躊躇愚按三體詩有元史君始為楚太守後移越但元名也史君太守也元唐世人也○宰吏謂主邑者曰宰治國者曰吏太公陰符曰為君守成為吏守職為民守事如以此各居其道則國治是也○牧宰漢成帝改刺史為牧又書經十二牧皆太守任也國宰又上同○太守日本者親王任國守曰太守異朝國守

之号勅曰太守秦曰郡守掌理其郡秩二千石漢景帝中元二年吏名太守太守各出于漢○長史今本作長吏非也書言故事曰漢景帝詔令長史二千石車朱兩轡注轡車箱名車之蔽也景帝下詔長史受祿至二千石者其所乘之車則左右各一朱轡云唐書曰上州刺史一人從三品職同牧尹別駕一人從四品下武德元年改太守曰刺史加使持節丞曰別駕十年改應州別駕曰長史長史一人從五品上司馬一人從五品下錄事參軍事一人從七品上錄事二人從九品下別駕治中長史司馬秦置郡丞以佐守在邊為長史掌兵馬漢因之又設治中別駕主眾曹文書通典曰從刺史行部別乘一乘傳車故謂之別駕秘笈新書曰秦置郡丞以佐守在邊為長史掌兵馬漢因之于定國條列大小為設官貪治中別駕諸郡從事晉因之而省郡丞至隋改別駕治中為長史司馬煬帝罷之而置郡贊治後又改為丞至唐而郡丞廢

矣有長史別駕○縣令按晉陶淵明為彭澤縣令唐書京縣令各一人正五品上丞二人從七品上主簿二人從八品上錄事二人從九品下有畿縣令上縣令中縣令下縣令也後漢書曰凡州所監都為京都置尹一人二千石丞一人每郡置太守一人二千石丞一人郡當邊戍者丞為長史云漢始有長史事物紀原曰縣令自秦孝公始也○郡司者昔每一郡有大領少領主政主帳曰之郡司今世如郡代者也

凡國司者相當五位已下也然而雖四位已上或隨其望應其撰古今之例也或說歷七箇國受領合格之吏勘公文畢拜參議云白河院仰但可依其才云云

○七箇國公文上卷參議下曰任參議有數道

左右大辨并近衛中將其才者藏人頭及勘七箇國公文受領等是也愚按守一國四年七箇國則四七年八年受領也江匡房曰五箇國受領任參議云○合格吏者其國政皆叶格式之受領也格書名弘仁格也吏者受領曰吏又曰良吏也言行錄曰孫甫字之翰初謝絳知鄧州有惠政慶曆中范仲淹泊甫相繼守郡皆號良吏○白河院七十二代帝也言繼經七國受領無才人不可任參議也

又太守者為親王置之親王任時不知吏務仍件國以介為守乃令知吏務也權守者近代多是遙授之官也參議二三位中將少納言等必兼之又殿上六位藏人叙位之時預爵者即任

權守又例也納言以上貶謫之時任諸國權守也仍常儀參議兼國任納言之日即止之介權介者辨官近衛中少將等兼之

○親王任太守不知國政其身在京故其介知吏務因之以介曰受領也常陸上野上總三國有太守○遙授者其身在京而任權守人曰遙授也預爵者叙從五下也貶謫左遷也玉篇曰貶碑檢切減損也謫說文罰也言有罰減官也○中納言兼國者延曆六年中納言正三位藤原朝臣小黒磨為兼美作守○止之止去之也聖武天皇神龜元年定流罪遠近伊豆安房常陸佐渡隱岐上佐六國為遠誅訪伊豫為中越前安藝為近

畿内 五箇國此云五畿

○畿者詩商頌玄鳥之篇邦畿千里惟民所止云東陽許氏曰王者所居地方千里謂之王畿居天下之中四方之人環視內向云吳氏季子曰古者方千里曰王畿蓋自東而西自南而北皆千里也千里之內為畿○日本之畿内者日本紀曰孝德天皇二年春正月詔曰凡畿内東自名譽橫河以來南自紀伊兄山以來西自赤石嶺洲以來北自近江狹々浪合坂山以來為畿内國云始于此後代以五國曰畿也

山城上

○舊事紀曰檀原朝御世阿多根命為山代國造云延曆十三年七月改山背為山城源唱朝臣為重任之時奏河陽離宮為國府○民部式曰山城國上八郡山背郡野愛岩紀伊宇治又世綴喜相樂主稅式山城國正稅公廨各十五万束奪二束得米五姓正稅藏入分也此外寺社領池溝驛家修理料救急料皆畧之此以下

准之愚曰此曰洛陽取漢洛陽之義繼體五年遷都當國筒城今綴喜郡也是始也其後遷所至桓武時都當國長岡後遷平安城愚曰桓原神武天皇也垂仁天皇喚丹波道主五女為妃唯第五竹野媛形姿醜返於本土測羞其見返葛野自隨輿而死之故号其地謂第國今山訓也

大和

○舊事紀曰檀原朝御世以榊根津彥命為大倭國造愚曰神武天皇始東征入倭國都而傍之檀原曰之檀原宮此時二年珍彥為倭國造是日日本國帝都并國造之始也日本紀神武三十一一年夏四月朔皇輿巡幸因登麻上噉間丘而迴望國狀曰妍哉乎國之獲矣雖內木綿之真迹國猶如蠶蛉之醫帖焉由是始有秋津洲之号也昔伊弉諾尊目此國曰日本者浦安國細戈千足國磯輪上秀真國復大巴貴大神目之曰玉牆內國及至饒速日命乘天磐船而翔

行太虛也睨是鄉而降之故因目之曰虛空見日本國矣或問昔以此國大和或名日本或名秋津國或大倭皆一國名而今以六十六國惣名号日本号大倭等者何哉答曰凡神代皆都日向國雖然未稱天皇之号至神武天皇始東征而入當國都檀原是時始稱天皇死稱皇后嫡子稱皇太子是本朝帝都之開基也故以一國名為六十六國惣名蓋如謂文王起周以周為中華之惣名高祖興漢以漢為世名唐晉興唐晉則為世名是也善隣國寶記曰此國始傳漢字書國名時字則大日本而訓則邪麻土也漢書曰樂浪海中有倭人分百餘國然則前漢代既通吾國乎又後漢書曰大倭王居邪麻堆蓋此國使人到彼土云云又秦始皇時徐福來日本居紀伊國熊野云云續日本紀曰天平九年改大倭國為大養德國同十八年復故○民部式曰大和大十五郡添上添下平郡廣瀨葛下忍海宇智吉野葛上城上山邊高市宇陀城下

市○拾苴曰天平勝寶改大倭為大和主稅式
大和正稅公廨各九方束愚曰神武時推根奉
彦始名珍彦是國造始又曰奈良者崇神天皇
誅反人植安彦時官軍屯聚至那羅山布源那
羅源故曰奈良

河内大

○舊事紀曰柏原朝御世以彦已曾保理命為
凡河内國造云日本紀反正天皇元年冬十月
都於河内丹比是謂樂籬宮是當國遷都始也
神武東征時戊午年三月至河内國草香邑是
始出也民部式河内大綿部石川古市安宿高
安河内讚良茨田大縣若江志紀交野滋川丹
比十四郡正稅公廨各十四万九千四百七十
七束愚曰正稅奉天子公廨國守以下處分給
之其處分差法見首卷又此國有大池曰狹山
池崇神六十二年多開池溝安農事狹山名出
于此時

和泉下

○舊事紀曰和泉國造元河内國靈龜元年割
置芳野監則改為國云類聚國史曰元正天皇
靈龜二年四月甲子割河内國大鳥日根和泉
三郡始置和泉監六月丁子始置和泉監史生
三人延喜丹付用之置和泉國云或云天平寶
字元閏十二月十日割河内國置和泉郡○和
泉國下大鳥和泉日根三郡民部式○主稅式
和泉正稅公廨各八万束

攝津上

○舊事紀曰攝津國造擬准法命謂攝津職初
為京師柏原桓武也帝代改職為國云格曰延
曆十二年三月九日停攝津職為國司云和銅
六年四月河邊郡置能勢郡舊事紀六卷戊午
年春二月丁酉朔丁未皇師即遂東舳艦相接
方到難波之碇會有奔潮太急因以名浪速國

亦曰浪花今謂難波訛也皇師神武天皇也愚
曰攝字彙靜謐也漢書攝然天下安津湊津也
言此國難波堀江者天下者船之津也帝都安
泰之地也故曰攝津昔仁德天皇始都此國住
高津宮致堯舜之治至于今奉稱聖帝也○民
部式曰攝津上十三郡住吉百濟東生西成嶋
下豐嶋河邊武庫嶋上八部能勢兔原有馬主
稅式攝津正稅公廨各十八万五千束各者正
稅十八万五千束公廨十八万五千束也諸國
皆准之可知

東海道 十五箇國

○景行天皇五十三年秋八月丁卯朔天皇詔
群卿曰朕願愛子何日止乎莫欲巡狩小碓王
所平之國是月乘輿幸伊勢轉入東海冬十月
至上總國從海路渡淡水門安房也是時聞覺
賀鳥之聲欲見其鳥形尋而出海中仍得白蛤
於是膳臣遠祖名磐鹿六鴈以蒲鳥手縊白蛤

為膾而進之故美六鴈臣之功而賜膳大伴部
十二月從東國還之居伊勢也是謂綺宮愚曰
小碓王者景行之皇子号日本武尊也凡始開
東國者小碓王也又行幸之始者景行也磐鹿
六鴈一人名也高橋氏祖也東海道名始出于
景行時按分畿内七道者文武天皇始也又始
分諸國東南西北者成務天皇始也東海者東
方行海邊國也東山者東方行山中國也

伊賀下

○民部式伊賀下四郡所拜山田伊賀名張主
稅式伊賀正稅公廨各十三万五千束愚曰以
郡名為國名

伊勢大

○日本紀曰皇孫既降臨時天鈿女為先驅于
時衢神名曰猿田彦天鈿女問曰汝誰也猿田
彦曰吾聞天照大神之子降故奉迎相待天鈿

女復問曰汝何處到耶皇孫何處到耶對曰天神之子則當到筑紫日向高千穗櫛觸之崇年五則應到伊勢狹長田五十鈴川上云伊勢名始出于此又禹仁天皇二十五年三月離天照太神於豐耜姬命詔于倭姬命爰倭命求鎮坐太神之處而詣菟日篠幡更還之入近江國東迴美濃到伊勢國時天照大神誨倭姬命曰是神風伊勢國則常世之浪重浪歸國也傍國所憐國也欲居是國故隨大神教其祠立於伊勢國因興齋宮于五十鈴川上是謂磯宮愚曰天照大神始坐禁中崇神帝時始出於禁中坐大和國笠縫邑垂仁天皇時始坐伊勢國今內宮是也五十鈴川者在內宮今日宇治川也民部式曰伊勢大十三郡桑名真辨朝明三重河曲鈴鹿菟藝安濃壹志飯高飯野多氣度會主稅式伊勢國正稅公廩各州万束愚曰諸國定大上中下國事始文武天皇

志摩

高橋氏為內膳正者在之仍他人不在之

○高橋氏者膳部家也詳于內膳司并東海道下○民部式志摩下二郡倉志英真主稅式志摩正稅穀一千二百斛愚曰志摩小國米少故無公廩國守以下處分以尾張國米給之主稅式曰凡志摩國公廩料用尾張國錄海郡正稅穀給守三百石目百五十石史生七十五石或問云志摩國必任高橋氏何哉答曰未考但按內膳式自大和志摩若狹紀伊淡路五國每月進天子御膳御贄此內志摩者小國近都故內膳正任之乎但上古不可限內膳正是後代例矣志摩國御厨鮮饌螺起九月盡明年三月月別上下旬各二擔味漬腸漬蒸饌玉貫御取夏籩等月別葱五擔雜魚十三擔風土紀抄云志摩者和名也以伊勢嶋之意也放地出海中嶋也後成國名云

尾張上

○日本紀曰日本武尊征東夷而更還於尾張即娶尾張氏之女宮篁媛而淹留踰月於是聞近江膽吹山有荒神即解劍置於宮篁媛家而徒行之云或曰此劍草薙劍也本自大地之尾張出劍也始曰叢雲劍此劍留此國故曰尾張國今熱田明神是也○民部式云尾張上海部中嶋兼栗丹羽春部山田愛智知多八郡主稅式尾張正稅公廩各廿万束

參河上

○風土記抄曰參河國有三河一曰男川二曰豐川三曰矢作川是也男川者河上有山神則白髮明神是也豐川者此河上有長者民屋豐饒故曰豐川矢作川者日本武東征之時於此川邊多作矢給故曰矢作川云○民部式參河上郡八碧海賀茂額田幡豆寶飯設樂八名渥

遠江上

美自伊賀至參河為近國自遠江至甲斐為國自相模至常陸為遠國主稅式參河正稅廿万束公廩廿万束延喜三年八月十三日割寶飯郡置設樂郡

駿河上

○舊事紀遠淡海國造云風土紀曰近江始書淡海自帝都近有大江故改近江又遠江始書遠淡海此國有大江自帝都遙遠故名遠江○民部式曰濱名數智別佐鹿長上磐田山香周智山名佐野長下蔡原城飼十三郡主稅式遠江正稅廿八万束公廩廿八万束遠江上國

○舊事紀珠流河風土紀抄云昔書湯流河也此國舊綬河等有駿河故名○日本武東征之時初至駿河其處賊敷之曰是野麋鹿甚多臨而應符日本武信其言入野中賊放火燒其野

王知被欺則王所佩劍叢雲白抽之此劍今爲
傍草因是得免故号其劍曰草薙也此劍今爲
熟田神体○民部式駿河上七郡志大益頭有
度安倍廬原富士駿河主稅式正稅廿三万束
公廩廿五万束愚曰公田租稻合奉天子者曰
正稅養困窮田曰賜急田養饑寡獨穀疾田
曰博獨田公廩給守以下官田○孝靈帝五年
近江湖水始湛富士山始涌出

伊豆

○民部式曰伊豆下田方那賀賀茂三郡風土
記抄云伊豆和名也東者相模西駿河出其中
間之國故伊豆則出之儀也主稅式伊豆正稅
公廩各六万五千束○日本武歷常陸至甲斐
此時無伊豆名後代立當國乎又應神天皇五
年科伊豆國令造船長十丈船既成之試浮于
海便輕泛疾行如馳故名其船曰枯野枯輕之
訓也

甲斐

○日本武東征之時歷常陸至甲斐凡東國
者上古未有國名自日本武東征始分東國名
也民部式曰甲斐上山梨八代巨麻郡留主稅
式甲斐正稅公廩各廿四万束四郡也

相模

○景行天皇御宇日本武尊征東夷時初至駿
河其處賊悉焚之滅之故号其處曰燒津亦進
相模欲往上總望海高言曰是小海耳可立此
渡乃至于海中暴風忽起王船漂湯而不可渡
時有從王之妾曰弟橘媛穗積氏忍山宿禰之
女也啓曰今風起浪渺王船欲沒是必海神心
也願以妾之身贖王之命而入海言訖乃披瀾
入之暴風則止船得著岸故時人号其海曰馳
水也云其後日本武遠坂時有願弟橘媛
之情故登碓日峯而東南望之三歎曰吾孀者

耶孺訓菟摩故因号山東諸國曰吾孺國也阿
徒摩之名出于此時風土記曰足輕明神昔狩
人也或時離羅妻有悲傷故常見亡妻之鏡思
之相模如見其亡妻故曰相模相見也模形也
本歌曰阿志賀羅能佐賀美尔由加無多麻加
賀美波古祿乃屋万仁阿氣之安志多尔○民
部式相模上八郡足上足下餘綾大住愛甲高
座鎌倉御浦主稅式相模正稅公廨各三十万
束

武藏大

○日本武尊東征之時至甲斐國居于酒折宮
於是日本武尊曰蝦夷(東夷)曰蝦夷咸伏其辜
唯信濃國越國頗未從化則自甲斐北轉歷武
藏上野西達于碓日坂云武藏名始出于此風
土記抄云武藏國袂父嵩者其勢如勇者怒立
日本武美此山奉為東征祈禱以兵具納埋岩
藏故曰武藏也以武具指置之儀訓牟佐志也

民部式武藏大二十一郡父良郡饒多麻
街原豐嶋足立新座入間高麗比企模見崎玉
大里男衾幡羅榛澤那珂兒玉賀美袂父主稅
式武藏正稅公廨各四十万束

安房中

○養老二年五月日割上總國四郡置之天平
十三年十二月復舊其後又置日本紀景行天
皇五十三年秋八月詔曰朕願愛子何日止乎
真欲巡狩小碓王所平之國是月乘輿幸伊勢
轉入東海冬十月至上總國從海路渡淡水門
云淡水門今安房國也是當國行幸之始也民
部式安房中平群安房朝夷長狹主稅式安房
正稅公廨各十五万束小碓王日本武事也

上總大 有太守

○日本武進相模欲往上總云則從上總轉入
陸奥國云風土記曰上總下總總謂木技也昔

此國生大楠長及數百丈時帝惟之則上占之大史奏曰天下大凶事也因茲斬捨彼木倒南方也上枝曰上總下枝曰下總也順和名曰賀美都布佐云又此國守必任親王故曰太守其身有京都任上總太守故介代守行其國知吏務故以介曰受領又訓加美凡以介曰加美者限上總常陸上野三國也三代實錄云貞觀二正四品行上總太守本康親王為彈正子正上總太守如故云民部式曰上總大市原海上畔燕望陀周准天羽夷瀨垣垣生長栢山邊武射十一郡主稅式曰上總正稅公廨各四十万束

下總大

○民部式曰下總大萬饒千乘印播匝瑳海上香取垣生相馬後嶋結城豐田延喜四年改國田郡為豐田郡主稅式下總正稅公廨各四十万束

常陸大 有太守

○日本武尊自日高見國還之西南歷常陸至甲斐國居于酒折宮云風土紀曰此國之邊常備鹽民家多有煩故宣曰此國于五成陸百姓安故曰飛多智也三代實錄貞觀二年二品行賀陽親王為常陸太守彈正尹如故○民部式曰常陸大十一郡新治真壁筑波河附信大茨城行方鹿嶋那珂久慈多珂主稅式正稅公廨各五十万束愚曰太守事詳于上總之下

東山道 八箇國

○東方就山守行道也景行天皇五十五年春二月成子翅主辰以彦狹嶋王拜東山道十五國都督東山道名始出于此但此時分七道與今異者也為東山道八箇國後代事也

近江大

○舊事紀淡海云昔日淡海後代改近江見遠江所又藤原不比等封淡海十二郡故曰淡海公景行天皇五十八年春二月幸近江國居志賀三歲是謂高穴穗宮也是當國帝居始也天智天皇六年三月遷都于近江是時天下百姓不願遷都云○日本武聞近江膽吹山有荒神即解劍置於宮篁姬家而徒行之至膽吹山而神化大蛇當道爰日本武尊不知主神化蛇之謂是大蛇必荒神之使也既得殺主神其使者者豈足求乎因跨蛇猶行時山神之興雲零水峯霧谷曠失可行之路乃捷遑不知其所跋涉然凌霧強行方僅得出猶失意如醉因居山下之泉側乃飲其水而醒之故号其泉曰居醒泉也云或云居醒泉今日醒井是也民部式云近江大十二郡滋賀粟太甲賀野洲蒲生神崎後智犬上坂田淺井伊香高嶋主統式云近江正稅公廩各四十万束愚曰垂仁天皇時天照大神回近江美濃然則自上古作近江也舊事記

美濃上

之時分改作淡海乎後代又為近江也

○舊事紀三野云或曰此國有大野三故曰三野後改美濃日本紀曰天雅皮當矢而死于時味耜高彥根命弔之天雅彥親屬妻子謂形相似味耜大忿而斫什喪屋此即落而為山今在美濃國藍見川之上喪山是也美濃名始出也愚頃年住美濃十年問藍見川事俗曰今垂井川又名藍川又川東止邊有小山形如錫頭所俗曰之喪山是乎又昔景行天皇四年春二月天皇幸美濃是行幸此國之始也其後天武道大友皇子亂在美濃國野上邑按續日本紀養老元年天皇行幸美濃國到不破行宮覽當耆郡多度山美泉自盥手云醜泉養老故改元為養老元年愚曰養老龍場有孝子曰源丞內一日役京都一母飢食源丞內在京送年常思母安否拜天母一日為菓蔬入山至養老龍頭見

一醴泉汲之吞如甘露飢則止是所天養也源
 丞內飯御而先見母母容貌如少女丞內大驚
 問其故母語如此則告國司國司奏天皇天皇
 大嘉瑞自行幸見醴泉則吞之各曰養老泉又
 改元養老年見于彼地緣起○民部式曰美濃上
 十八郡多藝石津不破安海池田大野本巢席
 田方縣厚見各發山縣武義群上賀茂可兒上
 岐惠奈近江美濃為近國飛驒信濃為中上野
 至出羽為遠主稅式云美濃正稅公廩各卅万
 束

飛驒下

○賦役令曰凡斐陀國庸調俱免每里點匠丁
 十人每四丁給厠丁一人一年替餘丁輸米
 充匠下食正丁六斗次丁三斗中男一斗五升
 云愚曰飛驒或作斐陀此國山林良木多大工
 多故大工召京都候木工修理之寮故皆免庸
 調也庸夫役也調貢絹布綿之類也匠丁大工

也斯丁召仕雜人也採薪汲水之者舊事紀作
 斐陀國也風土記曰飛驒本美濃國內也然建
 近江大津宮時自當國良材多出也賦負木行
 大津如飛也故号飛驒其良材出山名曰山
 ○萃菴曰以飛驒山之以智以木作券故實也
 ○三代實錄曰元慶三年十月八日大極殿成
 右大臣設宴於朝堂院含章堂豐落也饗預作
 事四位以下雜工以上及飛驒工等親王公卿
 百寮群臣畢會喚大學文章生等令賦詩雅樂
 寮舉音樂樂闋一曲之間飛驒工等許人不
 堪感悅起座拍手歌舞合座大為咲樂宴竟賜
 稱名有差是飛驒工造大極殿例也○主稅式
 飛驒正稅公廩各四万束民部式飛驒下大野
 益野荒城

信濃上

○天平三年三月以陞訪國并信濃國日本紀
 曰日本武進入信濃是國也山高谷幽翠嶺万

重人倚殺而難死巖峻磴紆長峯數千馬頓轡而不進然日本武尊披烟凌霧遙徑大山既達于峯而飢之食於山中神令苦王以化白鹿立於王前王異之以一箇蒜彈白鹿則中眼而殺之爰王忽失道不知所出時白狗自來有導王之狀隨狗而行之得出美濃先是度信濃坂者多得神氣以瘡卧但從殺白鹿之後踰是山者嚼蒜塗入及牛馬自不中神氣也續日本紀曰文武天皇大寶二年十二月始開美濃國木曾山路愚曰木曾山信濃也自美濃而入木曾山也與美濃之境有川曰之落谷西美濃也東信濃坂也曰十石搯也○民部式信濃上十郡伊那諏方筑摩安曇更級水內高井垣科小縣佐久主稅式信濃正稅公廩各三十五万束

上野 大有太守

○順和名加美津毛野舊事紀上毛野愚曰凡日本有三太守其外國不在太守上野國皇子

吏務之始者崇神天皇第一皇子豐城命始治東居上毛野下毛野是皇子國封之始也又三代實錄云二品行兵部卿忠良親王為上野太守兵部卿如故是其身居京都任太守也風土紀抄云上野下毛野者兩國中間有二野曰佐野笠懸野其野中有一河号渡瀬又有川曰佐野中川以此渡瀬為兩國境川西曰上毛野東曰下毛野川東為下川西曰上古今例也所以流東南也又毛者有田曰毛後除毛字○民部式曰上野大碓氷片田其樂多胡綠野那波群馬吾妻利根勢多佐位新田山田邑樂十五郡上野國正稅公廩各三十万束昔日本武至上野登碓日坂慕弟橘媛望東南三歎曰吾孀者耶故因号山東諸國曰吾妻國也又近衛院時官女玉藻前化白狐走入下野國那須野原塞久惟多帝遣三浦公義純上總公廣常驅之

下野 上

○舊事紀下毛野民部式下野上九郡足利梁
即安藤都賀寒川河内芬賀鹽屋那須主稅式
下野正稅公廩各三十萬束

陸奧

○順和名美智能於久日本武則從上總轉而
入陸奧國時大鏡懸於王船從海路回於葦浦
橫渡玉浦至蝦夷境蝦夷賊首嶋津神國津神
等屯於竹水門而欲距然遙視王船豫怖其威
勢而心裏知之不可勝悉捨弓矢望拜之曰仰
視君容秀於人倫若神之乎欲知姓名王對之
曰吾是現人神之子也於是蝦夷等悉慄則塞
裳披浪自扶王船而著岸仍面縛服罪故免其
罪因以俘其首帥而令從身也云或記云始書
六與者近江美濃信濃上野下野奧州六國之
與也故曰六與愚曰陸奧者東方陸道之與也
故云○民部式曰陸奧國大三十五郡白川磐
濤會津耶麻安稜安達信太田柴田各取對

出羽

○順和名以天波云和銅五年月日始割陸奧
二郡置之或說曰大寶元年辛丑始置之○民
部式曰出羽上十一郡家上村山置勝旛勝平
鹿秋田山本飽海河邊田川出羽主稅式正稅
二十萬束公廩三十四萬束愚曰出羽郡名祖
上古自此所貢鷹就鳥羽故云出羽也

陸奧出羽按察使府

按察使 相當從四位下
唐名都護

近代納言以上兼之

多警城標葉行方宇多伊具直理宮城縣
奏色麻玉造志太粟原磐井江刺膽澤長
小田遠田登米桃生氣仙牝瀧續日本紀
天平廿一年二月陸奧國始貢黃金

統日本紀曰其所管
國司若有非違及侵
盜百姓則按察使視
自巡省量狀點陟其
徒罪以下斷決流罪以
上錄狀奏上若有不
教條修部門肅清具
記善惡取言上又同
九月陸奧國奏言蝦
夷反亂殺按察使正
五位上上毛野朝臣廣
人云云

記事 唐名都護錄事

○續日本紀元正天皇養老三年七月始置按察使但此時諸國置之是置按察使之始也其後天平寶字七年七月從五位上藤原朝臣田磨為陸奧出羽按察使愚曰陸奧出羽大國也故國守以下官外置按察使府也其後又陸奧國置鎮守府將軍以下兵士居之為副賊徒也按察使掌兩國政務記事者記錄其政之任也○近代納言任例三代實錄云貞觀元年十二月廿一日權中納言平朝臣高棟加陸奧出羽按察使仁明天皇時養和年大納言正二藤原良房兼陸奧出羽都護唐書曰大都護府大都護一人從二品副大都護二人從三品副都護二人正四品上長史一人正五品上司馬一人正五品下錄事參軍事一人正七品上錄事二人從九品上掌統諸蕃撫慰征討叙功罰過惣判府事按唐書景雲年置十道按察使道各一人開元二年曰十道按察使秋訪惠置使至四年罷八年復置十道按察使秋冬巡視州縣十年又罷十七年復置十道京都兩畿按察使二十年曰採訪處置使分十五道天寶末又兼黜陟使既兵司法司上書佐皆為司功等參軍事有府四人史十人大都督有府二人史六人中府有府二人史三人下府有府一人史三人大都護府有府一人史二人上府有府史各二人愚曰養老年置按察使准唐制也唐睿宗時景雲年置十道按察使其後改曰都護也又日本天平年中陸奧國按察使丈養德守兼鎮守府將軍也前漢有西域都護是始鎮守府 見武官下

將軍 副將軍 軍監 軍曹

陸奧國者上古以來為邊要為其國境廣元明

日本聖武天皇二年
作元年按共非壹
碑云此城神龜元年
歲次甲子按家宗使
兼鎮守將軍軍送四
位上執四等大野朝
臣東人之所里也云

聖武天皇二年九月分置出羽國元正天皇養

老二年置按察使令監察兩國事聖武天皇二

年陸奧國內又置鎮守府府國相並行國事云

○鎮守府事出于外武官下○鴻要國之末也

○續日本紀曰和銅五年九月大政官議奏曰

建國辟疆武功所貴官撫民文教所崇其此

道蝦秋遠憑阻險官狂心屢驚邊境自官軍

罷擊凶賊霧消秋部晏然皇民無擾裁望便乘

時機遂置一國式樹司宰永鎮百姓安可之於

是始置出羽國冬十月割陸奧國最上置賜二

郡餘出羽國焉○元正置按察使事上詳○聖

武置鎮守府事按聖武天皇時未置鎮守府其

後天平寶字五年閏十二月以從五位上田中

朝臣多太麻呂為陸奧守兼鎮守副將軍同九

年為鎮守將軍是有鎮守名未有置府之名其

後及仁明天皇兼和十年九月始陸奧國置鎮

守府是置府之始也見續日本後紀也○府國

相並者府鎮守府也國國守介椽以下也○邊

要延喜式云陸奧國出羽國依渡國隱岐國壹

岐嶋對馬嶋右四國二嶋為邊要愚口國未必

有凶賊然亂萬民或為異國被犯暴故備兵士

守之為藩屏邊未也要要樞之心可備要之地

也又曰陸奧太守始者後醍醐天皇皇子始也

秋田城

為出羽必者兼之

除目不在之被

○被宣下者春秋除目時不任此必臨時以藏

人被仰出曰之宣下也昔陸奧國多起賊徒國

廣不能割之故置秋田城雄勝城多住兵士守

非常其後止之光仁御宇寶龜十一年依舊置

秋田城也其後元慶年中陸奧國有軍事此時

秋田城人數按尉七人旅師十六人火長北四

人列士三百三人鎮兵四百五十人加兵士三

百五十人~~有之東鑑云藤九郎盛長之子景盛~~

秋田城

三十六

建永二年任右衛門尉建保六年三月六日任
出羽權公可知秋田城務之由宣下同四月九
日叙爵云

北陸道 七箇國

○就北方陸路行故曰北陸按景行天皇廿五
年秋七月遣武内宿祢令察北陸及東方諸國
之地形云崇神帝以大彥命始遣北陸云

若狹 中

○民部式云若狹中三郡遠敷大飯三方若狹
為近自越前至越中為中越後佐渡為遠主稅
式正稅公廨各九万束風土記抄云昔此國有
男女為夫婦共長壽人不知其年數容貌若而
如少年後為神今一宮神是也因茲有若狹之
名

越前 大

○舊事紀云難波朝御世餘越前國嵯峨朝御
世弘仁十年割越前國分為加賀○日本記曰
本武自甲斐入武藏上野西遠于碓日坂於是
分道遣吉備武彥於越國令監察其地形峻易
及人民順不則日本武尊進入信濃而出美濃
吉備武彥自越出而遇之云越國今越前加賀
能登越中越後等也和歌曰之越路○民部式
云越前大敷賀丹生今立足野大野切并主稅
式云越前正稅公廨各四万束○崇神天皇
時額有角人乘一船泊于越國筭飯浦故号其
處曰角鹿今敷賀也是任那國人也又仲哀天
皇幸角鹿居筭飯宮今氣比也是行宮始也

加賀 上

○弘仁十年三月日割越前國二郡置之或記
云天平九年分越前國三郡為加賀國加賀以
郡名為國名○民部式加賀上四郡江沼能美
加賀石川主稅式云加賀正稅公廨各卅万束

能登 中

○舊事紀能等養老二年月日割越前四郡置
之云能登郡名○民部式曰四郡能登中羽
唯能登風至珠洲主稅式正稅公廩各十五万

越中 上

○民部式越中上礪波射水婦負新川主稅式
越中正稅公廩各卅万東

越後 上

○民部式越後上七郡頸城古志三嶋魚沼蒲
原沼垂石船主稅式正稅公廩各三十三万東

佐渡 中

○民部式佐渡中三郡羽茂雜太賀茂拾枚云
天平十五年二月以佐渡并越後天平勝寶四

年十一月又置為國主稅式佐度正稅三万八
千東

山陰道 八箇國

丹波 上

○山陰自京都北方國海路行山北故曰山陰
成務天皇時始分國縣定邑里山陰曰背面也
山陰之名始出于此山北為背之儀按崇神天
皇以道主命始遣丹波是將軍治山陰及丹波
之始乎又顯宗天皇仁賢天皇者屢中天皇孫
也父曰市邊皇子雄略天皇殺市邊皇子顯宗
仁賢兄弟出奔丹波國余社郡而猶畏誅道播
磨國改號曰丹波小子自為僕就在縮見屯倉
首後出二人共為天皇事見日本紀又曰雄略
天皇廿二年豐受大神自丹波國與佐真井原
移坐于伊勢今外官是也○民部式云丹波上
桑田船井多紀米上天田何鹿主稅式丹波正

稅二十三萬公廩廿五萬束丹波本郡名也

丹後 中

○和銅六年四月割丹波國五郡始置之丹後
當丹波北也後北之儀○民部式丹後中五郡
加佐與謝丹波竹野熊野主稅式正稅公廩十
七萬束

但馬 上

○舊事紀云但遲麻愚曰從上古有主稅式正
稅公廩各卅四萬束○崇神天皇八十八年秋
七月己酉朔戊午詔群卿曰朕聞新羅王子天
中捨初來之時將來寶物今有但馬元為國人
見貴則為神寶也朕欲見其寶物即日遣使者
詔夫日槍之曾孫清彦而令獻於是清彦被勅
乃自捧神寶而獻之羽太玉一箇追獻玉一箇
鴉鹿赤石玉一箇日鏡 面熊神籬一具唯有
小刀一名曰出石則清彦忽以為非獻刀子仍

匿袍中而自佩之天皇未知匿小刀之情欲寵
清彦而召之賜酒於御所時刀子從袍中出而
顯之天皇見之親問清彦曰爾袍中刀子者何
刀子也爰清彦知不得匿刀子而呈言所獻神
寶之類也則天皇謂清彦曰其神寶之豈得離
類乎乃出而獻焉皆藏於神府然後開寶府而
視之小刀自失則使問清彦曰爾所獻刀子忽
失矣若至汝所乎清彦答曰昨夕刀子自然至
於臣家乃明日失焉天皇則惶之且更勿覓是
後出石子刀子自然至于淡路嶋其嶋人謂神而
為刀子立祠是於今所祠也昔有一人乘艇而
泊于但馬國因問曰汝何國人也對曰新羅王
子名曰天日槍則留于但馬娶其國前津耳之
女麻拖能鳥生但馬諸助是清彦之祖父也見
于日本紀愚曰天日槍是新羅人飯花日本之
始也又但馬國崇神時已出也民部式但馬上
城崎養父出石氣多

因幡上

○舊事紀稻葉民部式因幡上七郡巨濃法美
八カ上 智頭邑美高草氣多因幡正稅公廩各卅
万束自丹波至因幡為近伯耆出雲為中石見
隱岐遠上

伯耆上

○舊事紀波伯耆上八郡河村久米八橋汗
入會見日野主稅式正稅公廩各廿五万束風
土紀抄云手摩乳足摩乳娘稻田矩八頭之蛇
欲吞之故道入山中于時母遲來姬曰母來云
故号母來國後改為伯耆愚曰風土記抄說難
信者多開之萃菴萃菴告清賢忠賢忠曰風土
記者元明天皇時所作也今絕而無之此風土
記抄者自卜部家所出也雖多俾俚語上古諸
國多用和名故此抄說其當理者可用之云

出雲上

○舊事紀出雲日本紀素盞鳥尊於出雲國
川上拔十握劍斬八岐大蛇至尾劍刃少缺故
割裂其尾視之中有一劍此所謂草薙劍也一
書曰本名天叢雲劍蓋大蛇所居之上常有雲
氣故以名乎或云大蛇所居常立八色雲故曰
出雲國○出雲大社素盞鳥尊也愚曰今時此
國有大社神職号國造按昔每神皆有神主國
造祝國造是神主類也延喜時出雲國造參禁
中奏神壽詞之由載中務式世俗曰昔此國造
為出雲國司以國司曰國造是大非也昔代々
被任出雲國造其任注者初任時無位人者進
四階叙大初位上也而奉神壽詞又進四階叙
正八位上其後依其人令叙爵例也初任國造
時賜絕十疋絲二十絢布二十端等也奏神壽
詞時又賜絹綿布也○民部式出雲上十郡意
守能義嶋根秋鹿楯終出雲神門飯石仁多大

原主稅式正稅廿六万束公廩卅万束

石見中

○民部式石見中國六郡安濃近摩那賀邑知美濃鹿足主稅式石見正稅公廩各十五万五千束○此國有高角山有岩崎山有岩奈仁山皆嶮石之國也故号石見國自海見石山故也

隱岐下

○或曰當國在伯耆出雲石見等之沖國也故曰隱岐國隱岐和名也○民部式云隱岐下知夫海部周吉穩地主稅式正稅二万束公廩四万束

山陽道 八箇國

○陽南也就山南而西行故曰山陽崇神天皇命四道將軍時以吉備津彦遣西道是始也成務天皇始分國縣時山陽曰影面山陽各出于此

播磨大

○舊事紀云針間民部式云播磨大十二郡明石賀古印南饒磨指保赤德佐用完粟神崎多可賀茂美囊主稅式正稅公廩各四十四万束○昔履中天皇孫億計王弘計王兄弟道雄畧天皇乱出奔向播磨赤石郡今明石也俱改字曰丹波小子就仕於織見屯倉前吾田彦深隱居雄畧崩皇子清寧天皇即位無皇子聞居億計弘計播磨則召以億計為皇太子是則仁賢天皇也弘計則顯宗天皇也是天子出于國之始也又景行天皇二年立播磨稱曰大郎姬為皇后生日本武尊播磨名始出于此

美作上

○續日本紀和銅六年四月日割備後國六郡始置之○民部式美作上美多勝田古藪若西父米大庭真島主稅式美作正稅公廩各卅万束

備前上

○順和名吉比能美智能久智日本紀神武東征乙卯年春三月入吉備國起行官是日高嶋宮座此國三年也民部式備前上和氣磐梨邑赤坂上道御野津高兒嶋主稅式云備前正稅公廩各卅八万一千一百五十束

備中上

○日本紀一書曰以淡路洲為胞生大日本豐秋津洲天和也次淡洲河波也次伊豫二名洲次億岐三子洲次佐渡洲次筑紫洲次吉備子洲次大洲云吉備子洲者今備前備中備後是也又孝靈天皇第三子雅武彥命以功封于備之中洲其後胤吉備大臣是也○民部式備中上都宇窪屋賀夜下道淺口小田後所推多英賀○主稅式備中正稅公廩各卅万束也寺社料其外入用物在公廩正稅之外也餘准之

備後上

○民部式云備後上十四郡安那深津神石奴可沼隈品治葦田甲奴三上惠齋御調世羅三谿三次備前以上為近備中備後為中長門以上為遠

安藝上

○日本紀曰素盞高尊下到於安藝國可愛之川上設酒殺大蛇其後以稻田媛遷置出雲國嚴川上而長養焉云安藝之号始出又神武東征時甲寅年十有二月至安藝國居于埃宮○民部式云安藝國上八郡沼田賀茂安藝佐伯山縣高官高田沙田愚曰凡天下郡之名皆用二字也主稅式安藝正稅二十三万束公廩卅万八千八百束愚曰安藝用郡名

周防上

周防上

○仲哀天皇八年春正月幸筑紫時正縣主祖熊罴聞天皇車駕參迎于周芳沙歷之浦獻魚鹽地云景行天皇十二年八月幸筑紫九月到周芳娑磨是天子幸此國之始也○民部式周防上大嶋救河熊毛都濃佐波吉敷六郡愚曰周芳與周防同沙歷娑磨與佐波同一郡名也正稅公廩各凡一万束

長門中

○長門本曰穴門日本紀仲哀天皇二年天皇巡狩南國於是留皇后至紀伊國而居于德勒津官是時熊襲叛之不朝貢天皇於是將討熊襲國則自德勒津發之浮海而幸穴門即日使遣角鹿勅皇后曰使從其津發之逢於穴門云又九月興官室于穴門而居是謂穴門豐浦官是帝居之始也又此時皇后於豐浦津得如意珠於海中○民部式長門中厚狹豐浦美祿大津阿武正稅公廩各十萬束

南海道

六箇國

○仲哀天皇二年始幸南國但神武東征時到于紀伊國是等南國御幸始也

紀伊上

○故實不讀伊字也仲哀天皇南行居于紀伊國德勒津官又神武天皇東征進到于紀伊國竈山而五瀬命薨于軍云或曰昔秦徐福采仙藥來此國鄉人為奇異人故曰紀伊又來此國故曰紀之國皆用和名曰紀伊也按伊井冊尊生火神時被灼而神退去矣故葬於紀伊國熊野之有馬村云今熊野社神是也又徐福祠別有之紀伊名出于此民部式紀伊上伊都那賀名草海部在田日高牟婁七那正稅公廩各十七萬五千束

淡路下

○日本紀伊葉諾尊伊葉尊立於天浮橋上
共計曰底下豈無國乎迺以天之瓊禱指下而
探之是獲滄溟其示鋒滴瀝之潮疑成一嶋名之
曰破駛廬嶋二神於是降居彼嶋因欲共為夫
婦產生洲國便以破駛廬嶋為國中之柱云於
是海陽始盡合為夫婦及至產時先以淡路洲
為胞意所不快故各之曰淡路洲云淡路國是
也愚曰淡路嶋者日本開基之國也二神始作
國時家初生淡路其小微如淡堅故二神不悅
曰淡路也又潮淡自然凝堅為一嶋故破駛廬
嶋是又淡路別名也又允恭天皇幸淡路國獨
島神崇曰赤石海底有真珠其珠祠於我則悉
得獸天皇以海人男狹磯腰繫繩入海底差頃
之出曰於海底有大蠅其處光也諸人皆曰鴻
神所謂之珠殆有是蠅腹乎亦入探之爰男狹
磯抱大蠅而泛出之乃息絕以死浪上既而下
繩測海底六十尋則割蠅實真珠有蠅中其大
如桃子因祠鴻神則作墓厚葬其墓今存愚曰

世俗謬又恭天皇事曰大織冠至讚州契海人
而得真珠是大非也○民部式淡路下津各三
原紀伊淡路為近阿波讚岐中伊豫土佐遠正
稅三萬五千束公廩四萬五千束

阿波上

○民部式云阿波上九郡板野阿波美馬三好
麻殖名東名西勝浦那賀主稅式正稅公廩各
北万束善隣國寶記云二神相謀生八嶋先生
淡路洲是謂淡道穗之校別次生伊與二名之
洲一身分有四面一曰愛止比賣是伊與也二曰
飯依比賣是讚岐也三曰大宜都比賣是阿波
也四曰速依別是土佐也云日本紀二神先以
淡路洲淡洲為胞生大日本豐秋津洲云淡洲
者阿波也

讚岐上

○民部式云讚岐上十一郡大內寒川三本山

田香川阿野鶴足那阿多皮三野刈田主稅式
正稅公廨各卅五萬東日本紀作讚吉國又景
行天皇之子神擲皇子是讚岐國造祖也云人
代始出于此

伊豫上

○日本記所謂伊豫二名之洲是也民部式云
伊豫上宇麻新居周敷桑村越智野間風早和
氣溫泉如米淳穴伊豫喜多宇和正稅公廨各
卅萬東伊豫本郡名也

土佐中

○日本紀天武十三年冬十月土佐國田菟五
十餘萬頃沒為海古老曰若是地動未曾有也
是夕有鳴聲如鼓聞于東方有人曰伊豆嶋西
北二面自然增益三百餘丈更為一嶋則如鼓
音者神造是嶋響也○土佐中安藝香美長岡
土佐吾川高岡播多愚曰土佐者以郡名為國

日本紀作去左曰
事日本紀作都佐
續日本紀國史及
此在式佐左雜用
公式令類聚三代
格和名抄拾遺抄
作土佐

西海道

名主稅式正稅公廨各卅萬東
十一箇國然云九國二嶋除二嶋云六十
六箇國

大宰府

○西海道都曰之筑紫也二嶋壹岐對馬也大
宰府者昔筑前國置大宰府是筑紫邊要而兵
事賊徒多或異朝境界而藩扞地也故置府以
防非常如奧州鎮守府按察使類也○帶筑前
國者置府於筑前也主稅式云凡大宰府處分
公廨帥十分大貳六分半少貳五分監三分典
二分主神主工博士明法博士音博士一分大
半主城陰陽師醫師筆師主船主尉一分半大
唐通事一分少半史生督師新羅譯語倭使一
分云或問云大宰府者領筑前一國得其田歟
答曰不然只筑前立府故曰所帶也非封一國
領之也此府外筑前守人錄目等有之如餘國
也凡大宰府常居筑前管領九國二嶋之政也

載... 卷六... 四一五

唐名大都督府杜氏通典曰後漢建武初征伐四
文帝始置都督諸州軍事明帝大和四年晉宣帝
征蜀加號大都督云唐書大都督府都督一人
從二品長史一人從三品司馬二人從四品下
錄事參軍事一人正七品上錄事二人從九品
上云都督掌督諸州兵馬甲械城隍鎮戍糧粟
惣判府事云

聖武天皇天平十五年始置筑紫鎮西府先是

有太宰府号云

續日本紀天平十五年十二月始置筑紫鎮
西府以從四位下石川朝臣加美為將軍外從
五位下大伴宿祢百世為副將軍判官二人主
典二人十六年太政官奏鎮西府將軍准從五
位官判官准從六位官主典准從七位官倍給二
季祿及月料並又給公廨田將軍十町副將八

兩判官六町主典四町○太宰府聖武以前有
之但置年未詳推古天皇十七年夏四月筑紫
太宰奏上云始出于此時

天平寶字二年勅諸國司以四箇年為年限寶

龜十一年勅太宰任限為五箇年云凡當府都

管九國二嶋別帶筑前也

○任限者國守四年守其處四年過又遷之丁
任也任限者或四年或六年依時代不定昔任
限皆四箇年也天平寶字二年為年限六年與
此書不同續日本紀云天平寶字二年冬十月
勅如聞吏者民之本也數遷易則民不安居久
積習則民知所從是以服與德而從其化安其
業而信其令頃年國司交替皆以四年為限斯
則適足勞未可以化孔子曰如有用我三年有
成夫以大聖之德猶須三年而况中人乎古者

三載考績三考黜陟所以表善簡惡盡臣力者也自今以後宜以六歲為限省送故迎新之費其每至三年遣巡察使推檢改遠慰問民憂待滿迴隨狀黜陟又勅諸國史生以四歲為限遍群人○同書曰寶龜十一年八月太政官奏曰筑紫大宰遠居邊要官人相替限以四年送故迎新相望道路府國因弊職此之由加以所給厨物其數過多每守舊例充給或闕蕃客之儲於事商量甚不穩便臣等望請且停交替料兼官人歷任增為五年然則百姓息肩庖厨無乏伏聽天載奏可之○管九國二嶋者掌九國二嶋之政也帶筑前者帥大貳以下給分皆執六國之公廨也見于筑前國之所也

帥

○職貢令曰太宰府帶筑前國主神一人掌諸祭祠事帥一人掌祠社戶口簿帳字養百姓勸課農桑糾察所部貢舉孝義田宅良賤訥訟租

調倉廩徭役郵驛傳馬烽候城牧過所公私馬牛園遺雜物及寺僧尼名籍蕃客飯化

貳一人掌同帥少貳二人掌同大貳大監二人掌糾判府內審署文案勾稽失讀申公文少典二人掌同大典大判事一人掌案覆犯狀斷定刑名判諸爭訟少判事一人掌同大判事云○

官位令太宰帥從三位○愚曰帥者筑紫管領也其職如唐書武德七年改惣管曰都督惣

職貢令名唐書武德七年改惣管曰都督惣字凡都督府有刺史以下如故○都督始漢光

武建武初權置督軍御史事竟輒罷魏文黃初三年初置都督諸軍事魏初受漢禪時已有

持節都督則非三年初置也大都督以命司馬懿唐明帝大和四年秋始加大都督以命司馬懿唐大極初并益荆揚開元中兼潞為五大都督也

漢建安中魏武為相始遣大將軍督之二十一年征孫權還使夏侯惇都督二十六軍於是始

有都督之官矣見事物紀原○帥音卒入也
毛氏曰凡稱主兵者為將帥則去色言領兵帥
師則入色故經典釋文將帥字皆音去色帥師
字不音云

勅任官也多是以有品親王任之親王任之者

權帥若大貳知府務而已

○勅任自天皇有宣任曰勅任大臣以下論奏
任之曰奏任也選叙令曰凡任官大納言以上
左右大辨八省卿五衛府督彈正尹大宰帥勅
任云言親王任帥者不執政務只權帥知之權
帥或無之又雖有之左
選人則大貳知政務也

權帥

納言以上 若前官 任之中古以來例於正帥者

擬親王官兼府務人任權也或又任正依時宜
歟為大臣人左遷之時任權帥而不可知府務
也凡於帥者令條所定已為高官仍重其仁雖
華族又任之

○百寮云大納言以下任權帥若有正帥則不
可置權也前官者前大納言前中納言等也正
者帥事也對權之辭也○左遷例孝謙天皇天
平寶字元年七月二日右大臣豐成被遷太宰
權帥同八年九月十九日誅醍醐天皇昌泰四
年二月廿九日右大臣菅原公遷權帥冷泉院
安和二年三月廿六日左大臣高明配同官一
條天皇長德二年四月廿四日內大臣伊角又
左遷權帥○左遷者漢魏以上貴者思左有罪
者解高官降下官曰之左遷也按魏志曰夏侯

女字太初弱冠為黃門侍郎依耻毛曹明帝恨
之左遷羽林監云○今條書名令十卷曰之令
條也官位令以帥為三位官是高官也但令無
權帥後代置之

大貳

無權官 相當從四位下
唐名都督大卿

○大貳次官小貳次官也令義解曰大貳本在
五位上也延曆十二年改為從四位下
唐都督大卿是非唐名乎大卿少卿即中者異
名朝無所見於本朝配之也今准唐朝制以大
貳為都督別駕以少貳為都督長史以監為都
督司馬可然也唐書曰武德初置之都督一人
長史一人司馬二人錄事參軍事一人錄事一
人司馬一人錄事參軍事一人別駕一人長史一
人錄事參軍事一人別駕一人長史一人司馬一
人錄事參軍事一人
正天平寶字任限為四年簡年非
也天平以前任限四年也自

天平以後以六年為任限也大貳大卿少貳少
卿監郎中是非唐朝制於日本配之上詳但又有
意思

近代例多以參議散二三位等任之非參議四

位又有其例有權帥者不任大貳任大貳者不

任權帥雖無其謂已為流例多是以名家人任之

○非公卿官人叙二三位者曰之散二三位也
公卿人去其官者曰非參議又非參議四位前
宰相事四位公卿限宰相故也

少貳

有權官 相當從五位下
唐名都督少卿

殊撰其人任之

○諸大夫五位任之官位令少貳從五位下無
權官

監大 相當正六位下 少相當從六位上
唐名都督郎中

六位侍任之

○監大宰判官也府內一切事掌之又文案事
令奉行也

典大 相當正七位上 唐名都督錄事
少 相當正八位上

○典大宰主典也掌書記之事日本紀持統天皇五年春正月癸酉朔丙戌詔曰直廣肆筑紫史益拜筑紫大宰府典以來於今二十九年矣以清白忠誠不敢怠惰是故賜食封五十戶絕十五匹餘二十五屯布五十端稱五千束是太宰典給封戶祿之始也

監典者公卿給時間依請任之多是府中有緣輩任之稱府官是也此外博士八師十大唐通事

旧本依作鍾

等上古任之中古以來漸絕仍略之

○公卿給者公卿年給之時依所望任監典也以公卿家人任監典也則取監典之祿事也上古無此例自中古有此例又多分任府中有緣人也有緣者典者任監史生博士等任典也或大貳少貳親屬又數代居住府中者撰其人任之也惣曰有緣也府官謂監典也博士者昔大宰府有學校國守郡司子弟親屬府中官人子弟親屬百姓之俊秀者皆入學校曰之學生則博士一人講授經業知孝弟忠信之道若學生中有英才文理能達者撰試以奏京都或召京為大學寮學生或在諸國史生博士又依其人進高官高位也依之此國昔有博士也又大唐通事者昔三潁人多來日本則著大宰府大宰府奏之天子也昔日本有道有德能養方民賦稅薄而養老故大唐人皈化日本不知幾千人也皆歷代所載也魯伯禽之後後漢靈帝後等

職原少 卷六 四十九

慕化來日本也。大唐通事以日本語告唐人，以唐人語告日本人。職也。竿師、算勳、職也。職負令曰：大宰府博士一人掌教授經業，課試學生。云大唐通事職負令不載之。延喜式載之。後代官也。博士、竿師、大唐通事者，帝道衰後，漸絕。故親房不載舉此。抄。

筑前

上 雖為都督所帶 宇以下官如例

○民部式云：筑前上十五郡，怡土、志麻、早良、那珂、席田、糟屋、宗像、遠賀、鞍手、嘉麻、穗浪、夜須、下座。上座。御笠、怡土者，仲哀天皇幸筑紫，伊觀縣主五十述手來天皇御船，天皇則美五十述手曰：伊蘓志，故時人号五十述手之本國曰伊蘓國，今謂伊觀訛也。今作怡土。又御笠者，神功皇后幸筑紫，自檀日宮遷于松峽宮時，飄風忽起，御笠隨風，故時人号其所曰御笠。至層增岐野，即舉兵擊羽白熊，鷲而滅之，謂左右曰：取得熊鷲，我心安，故号其處曰安。今夜須郡也。又宇洲。

社神功皇后討三韓，九月令諸國集船，船向之。于時皇后當開胎之時，皇后則取石，挿腰祈之。日，事竟還日產於茲土，其石今在伊都縣道邊。既而討三韓，悉誅伏，同十二月從新羅還。同月庄譽田天皇於筑紫，故時人号其所曰宇洲。在今筑前國宇洲社是也。○筑前國主稅式曰：正稅公廨各北万束，府官公廨十五万束，衛卒料二万二千四百束，隨日數有增減。修理府官舍料六千束。○愚曰：都督府在筑前，則處分六國公廨米，故曰所帶，非封筑前一國而為諸侯之儀。又云：都督常居筑前，管領九國二嶋，政也。此外守从掾目史生官有之，是掌筑前一國吏務也。又筑紫，二字風土記撰曰：允恭天皇時自異國貢上紫草，著筑紫也。筑，本著之意也。故曰筑紫，追可考。○善隣國寶記曰：二神相謀生八嶋次生筑紫洲，又一身有四面，一曰自比，別是筑紫也。後曰筑前，筑後，二曰豐日，別是肥國也。後曰肥前，曰豐前，豐後，三曰盡日，別是肥國也。後曰肥前。

肥後四日豐父土比泥別是日向也後日日向
大隅薩摩次生壹岐洲曰天比登都挂次生對
馬洲曰天之按手依比賣次生隱岐洲曰天之
忍許呂別次生佐渡洲曰建日別次生大日本
豐秋津洲曰天御虛空豐秋津根別惣謂之大
八洲云但二神者伊其誌伊其冊也神武東征
時至筑紫岡水門今遠賀郡乎

筑後上

○順和名都久志能美智乃志利民部筑後上
十郡御原生葉竹野山本御井三瀨上妻下妻
此門三毛正稅公廨各北万束府官公廨十萬
束衛卒料一万八千一百五束修理府官舍料
六千束又景行天皇始至筑後御村居高田行
宮今三毛郡也至的邑而進食是日膳夫等遺
盞故時人号其忘處曰浮羽今謂的邑訛也昔
筑紫俗号盞曰浮羽今生葉郡也

肥前上

○民部式肥前上十一郡基肆養父三根神崎
佐嘉小城松浦杵嶋藤津彼拵歸來肥前正稅
公廨各北万束府官公廨十五万束衛卒料一
万八千一百五束修理府官舍料六千束日本
紀景行天皇十八年五月壬辰朔從葦北發船
到火國於是日沒也夜冥不知著岸遙視火光
天皇詔按按者曰直指火處因指火往之即得
著岸天皇問其火光處曰何謂是哉國人對曰
是八代縣豐村亦尋其火是誰人之火也然不
得主茲知非人火故名其國曰火國云又神功
皇后元年夏四月北到小前國松浦縣而進食
於玉嶋里小河之測於是皇后勾針為鈎取粒
為餌抽取裳系為緝登河中石上而投鈎祈之
曰朕西欲求財國若有成事者河魚飲鈎因以
舉竿乃獲細鱗魚時皇后曰希見物也故時人
号其處曰梅豆羅國今謂松浦訛焉是以其國

女人每當四月上旬以釣投河中捕年魚於今
不絕唯男夫雖釣以不能獲魚云財國者新羅
百濟高麗也肥前本作火前也

肥後

○民部式曰肥後十郡玉名菊池阿蘇合志
山本飽田詭麻益城宇土八代天草葦北球磨
山鹿肥後正稅公廨各四十萬東府官公廨卅
五萬東衛卒料三萬五千七百九十五束修理
府官舍料一萬束景行天皇幸筑紫至阿蘇國
今肥後也

肥前

○民部式云肥前上八郡田河企救京都仲津
築城上毛下毛宇佐正稅公廨各廿萬東府官
公廨十萬東衛卒料一萬七千五百五十四束
修理府官舍料六千束日本紀景行天皇十二
年九月天皇逐幸筑紫到肥前國長峽縣興行

宮而居故号其處曰京也此天皇御幸之始也
京今京都也○肥前宇佐八幡者應神天皇也
欽明天皇元年冬始立祠又按神武天皇東
征時行

豐後

○民部式曰豐後上八郡日田球珠直入大野
海部大分速見國崎正稅公廨各廿萬束春官
公廨十五萬東衛卒料一萬六千四百七十二
束修理府官舍料六千束以上筑前筑後二肥
二豐六國出大宰府公廨也日向薩摩二嶋大
隅者依其道遠不出府官公廨也景行天皇十
二年冬十月幸筑紫至阿蘇國其地形廣大亦
麗因名碩田今大分郡是也到速見邑到直入
縣云今速見直入郡也

日向

○民部式曰日向中曰杵兒湯那珂官崎諸縣

正稅公廩各十五万束日本紀第一伊弉諾尊
 既還乃追悔之曰吾前到於不須也凶即所穢
 之處故當祿去吾身濁穢則至筑紫日向小戸
 擲原枝除焉云始出于此伊弉諾男神伊弉册
 女神也此時生底箇命天照太神月讀尊素
 是今攝洲住吉神也說也又瓊杵尊始降
 盜鳥尊云是日本紀一說也又瓊杵尊始降
 臨之時天降於日向襲之高千穗峯凡神代皆
 都日向國神武天皇始出日向東征至大和國
 也景行天皇十二年冬十一月到日向國起行
 宮以居之是謂高屋宮而悉平襲國因以居高
 屋宮已六年也於是其國有往人曰御亦媛則
 召為妃生豐國別皇子是日向國造之始祖也
 十七年春三月戊戌朔巳酉幸于湯縣今見湯
 郡也於于丹裳小野東望之謂左右曰是國也
 直向於日出方故其國曰日向國云是名曰
 向之始也

大隅中

和銅元年割日向國四郡置之天長元年停
 視嶋縣大隅國○民部式大隅中八郡美奈
 桑原贈於大隅始羅所屬馭謨能毛正稅八万
 六千四十束公廩八万五千束○愚曰大隅本
 郡名也後為國名見筑前篇

薩摩

中 謂之九國

○以上九箇國又薩摩本用郡名為國名民部
 式薩摩中出水高城薩摩餽嶋自置伊作河邊
 穎姓揖宿給勢給鹿嶋正稅公廩各八万五
 千束文武比名習更自雉年始有薩摩之名

壹岐

下 邊要

○延喜式曰陸奧國出羽國佐渡隱岐壹岐對
 馬嶋以上四國二嶋為邊要○順和名由岐愚
 曰昔壹岐對馬多神嶋三嶋有之天長年以多

襍錄大隅也日本紀一書曰先生淡海洲次大
日本豐秋津洲次伊豫二名洲次億波洲次佐
渡洲次筑紫洲次壹岐洲次對馬洲○民部式
壹岐下二郡壹岐名田正稅一萬五千束公廩
五萬束或云日本行雜之嶋也故訓由岐也又
應神天皇九年有壹岐直真根子者人代壹岐
之名出于此

對馬

下 曰之二嶋邊要

○民部式對馬下上縣下縣二郡日本紀神功
皇后五年新羅使還之副葛城襲津彥而遣之
共到對馬宿于鉏海水門云主稅式對馬正稅
三千九百九束無公廩或曰對馬無公廩何哉
答曰小嶋而無米穀故嶋司以下公廩用大宰
所管諸國之田大宰所管國者二筑二肥二豐
六國也

已上諸國司謂之外官然而文官之列也

○諸國司者守必掾目等也凡諸官分內外以
公卿八省等京官為內官國守鎮西府大宰府
等在諸國官為外官又分文武官則公卿八省
諸國守等官為文官行除目則入文官也六衛
府鎮守等官為武官行除目則入武官列也
續日本紀曰天平寶字四年勅大隅薩摩壹岐
對馬多靴等司身居邊要稍苦飢寒舉令稻曾
不得利欲運私物路險難通於理商量良須矜
愍宜割大宰所管諸國地予各給字一丁束掾
七千五百束目五千束史生二千五百束以資
遠成稍慰羈情三代實錄曰貞觀十八年三月
九日元有九國三嶋至千天長元年傳多靴嶋
餘大隅國延喜式曰凡國司處分公廩差法者
大上國長官六分次官四分判官三分主典二
分史生一分中國無分則長官五分下國無掾
則長官四分史生但陸奧國博士醫師陰陽師
博士醫師准史生但陸奧國博士醫師陰陽師
並准目鎮守府將軍准守軍監准掾軍曹准目

職原抄引事大全卷六
醫師醫師准史生若帶國者不須兩給其按察使准當國守記事准祿也愚曰長官守也次官也判官祿也主典目也公廩者國守以下祿也今如所領也

職原抄引事大全卷六

職原抄引事大全卷六
醫師醫師准史生若帶國者不須兩給其按察使准當國守記事准祿也愚曰長官守也次官也判官祿也主典目也公廩者國守以下祿也今如所領也



